



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus I. De Calumniatoribus.

---

[urn:nbn:de:hbz:466:1-73064](#)

Privilegiante expressi, alias enim exceptio *zam specifica* frustraretur suo effectu. Quod dicitur, *de criminibus exceptis*, in hoc causu nihil probat i. quia exceptio certi criminis, non prorogat jurisdictionem Judicis, qui specificè excludit à cognitione criminis ejusmodi exemptorum, delicti cognitione criminis ejusmodi exemptorum, delicti ne, ac castigatione expresse reservata soli Præsidi communitatis, de qua Reus est.

<sup>304</sup> Secundò, quando jus consuetudinarium alicuius Provinciæ certum aliquid delictum annumerat *delictis publicis, atrocibus, vel lese Majestatis*, quod jure communi non est talc, reservatio vel exceptio talis criminis non adimit jurisdictionem (exclusivè ad omnes alios judices:) concessam ordinario Judici; nec illis sic exclusis tribuit, si talis exceptio fit à supremo Principe, postquam tale jus consuetudinarium *scienter, auctoritate suâ, confirmavit*. Nam Princeps à jure per se, vel subjectos Ministros, condito, vel confirmato (quo certi casus excipiuntur, non jure communi, sed statuta-

rio:) *Scienter* eximens aliquam communitatem cum clausulis derogatoriis jurisdictioni omnium Judicum Inferiorum, *etiam exceptioni derogat*, posteriori concessione in omnibus expressis, ut dicemus alibi; *dissidatio* autem non est proprie crimen laesa Majestatis, ut colligitur ex loco cit. apud Weingartlerum super. Austr. Syndicum, ibi: *impropriè committi dicitur, & non jure communi, sed solo statutario illi annumeratur*, ut dictum est, quod maximè procedit, si committitur solum contra privatum ejusmodi comminatio; ergo.

Ad summum igitur procedit in crimen <sup>305</sup> atrocissimo, aut ubi est periculum in mora, vel quando tendit contra summum Principem, & Imperii statum &c. Accedit, quod exceptio criminum non tam sit à jurisdictione ordinarii judicis, quam ab ordine judicario, & juris solennitatibus, in ejusmodi causis atrocioribus, aut atrocissimis, non observandis secundum dicit, supr. cùm ageremus de inquisitione criminali.

## QVÆSTIO II. IN TITULUM II. DE CALUMNIA- TORIBUS.

306



Um præcedente titulo actum sit de accusatione, inquisitione, ac denuntiatione criminum; frequenter autem contingat ab ipsis accusantibus, vel denuntiantibus aliena crimina, in illo ipso actu committi quædam delicta (puta, si temere, vel ex malitia id agant) præsenti titulo de his agitur. Cum autem tribus modis accusatores, & denuntiantores suam temeritatem, vel malitiam detegant, *calumniando*, seu falsum imponendo, (quod est maximè proprius actus calumniantis juxta hunc titulum) *prævaricando*, seu vera abscondendo; *tergiversando*, seu ab accusatione desistendo, (ut dicitur L. I. ff. ad S. C. Turpilian. & c. Si quem. §. Accusatorum 2. q. 3.) de singulis in sequentibus agendum erit.

### ARTICULUS I.

*De Calumniatoribus.*

**C**alumnia in genere supponit pro quoli- <sup>307</sup> bet fraudulenta informatione, cavillatione, frustratione, & perversa juris interpretatione. Pereyra cit. in Elucidar. n. 1193. ait *calumniatorem* propriè esse, qui per fraudem, & frustrationem, alios accusando, vexat; & vocem illam quandoquo sumi etiam pro eo, *qui non debitum petit*, ut habetur L. penult. ff. ne quis eum. Haunoldus tom. 6. de Jur. & Just. tr. 2. n. 155. ait, calumniā etiam committi, quando quis in iudicio conatur sustinere tanquam verum, & æquum, quod scit, aū scire debet, esse falsum, & iniustum. Huic calumniæ cavendæ adiumentum est saluberrimum juris remedium, *juramentum calumnia*, quo nimis quid juris jurat,

jurat se bonâ fide, & non animo calumnianti, agere, egisse, vel acturum, licet in multis provinciis, magno sanè detimento boni communis pratermittatur. Ceterum in hoc titulo alias habet significationem, ut patebit in sequentibus, quibus præmissis:

308 Quæres 1. quid sit, & quot modis committatur calumnia? *R. Calumniam, juridicè, ac juxta acceptiōnēm, quā in hoc titulo de illa agitur, esse impositionem falsi criminis in iudicio: duplex est, vera, & præsumpta. Vera; cūm alter malitiosè, ac scienter accusatur, vel desertur de rebus falsis: præsumpta; quando quis in probatione objecti criminis deficit. Nam tali casu præsumitur quis animo calumniandi alterum völâse in iudicium; quia qui aliquem vocat in iudicium, paratas debet habere probationes. L. qui accusare. 4. c. de Edendo.*

309 Quæres 2. quomodo committatur calumnia vera? *R. ut accusator, vel denuntiator sit reus vere calumniae considerat illius acceptiōne in præsenti, requiri 1. quod alteri imponat falso. 2. quod scienter. 3. quod ex malitia: verus enim calumniator est, (juxta cit. L. 1. ff. ad S. C. Turpilian.) qui sciens in iudicio, alteri obtrudit, dolo malo, falso crimen. Dolo fieri dicitur, quod fit ex proposito, seu animo illud ipsum faciendi, ut constat ex L. In lege, ff. ad leg. Cornel. L. 1. §. & ex. item L. Divus, eod. Dolo malo, quod fit callidè ad circumveniendum; vel fallaciter ad fallendum: vel machinatione, ad decipiendum. Sic Pereyra in Elucidar, à n. 659.*

310 Ex hoc colliges non committi calumniam veram juridicè acceptam, ubi non imponitur falso; vel licet imponatur falso, si abest dolus, seu animus decipiendi, fallendi, vel circumveniendi; qui tamen valde raro abest in his, quibus una intentio est, lucrandi causa, quibusunque tandem fraudibus partem contrariam in rete suum trahant, eto sciant, id, quod agunt, iniquum esse. Haunold. tom. 6. de jure, & iust. tr. 2. n. 483. generatim dicit, aliquid fieri dolo malo, idem esse, ac fieri ex malitia, estimata nimis voluntate, & proposito; & quoniam dolus malus, seu prava hæc intentio residet in apimo, cuius arcana immediatè sub sensu non cadunt, ideo, ut dicitur L. 3. §. 2. ff. de vi, & vi armata; sufficit adesse talia indicia, ex quibus dolus præsumi possit.

311 Quæres 3. quando censeatur calumnia præsumpta? *R. jam constare ex n. 308. in Tom. V.*

accusante, qui deficit in probatione objecti, seu delati criminis, nisi justa causa excusat, præsumi, eum accusâsse animo calumnianti, nimis dolosè, & malitiosè impingendi alteri falso crimen (nam ut quis calumniatus esse dicatur, semper dolus requiritur, juxta c. 1. h. t. L. 9. C. eod. & L. 6. § fin. ff. ad S. C. Turpilian.) quæstio autem est, quæ censeatur *justa causa* à præsumpta calumnia excutientes.

Varii, varias afferunt; inter potiores numerant communiter sequentes. 1. *necessitatem officii* L. 5. §. *advocatum*. ff. de his, quibus ut indign. qualem *Tutori* præstat tutela, per L. 2. C. de his, qui accus. non poss. vel *Procuratori Fisci*, munus publicum, L. 2. C. *de delatoribus*, ut notat Gail. I. 1. observat, 90. Secundò, *sexus infirmitatem*, in muliere l. 1. §. 10. ff. ad S. C. Turpili. Nam sexus imbecillitas mulierem facile excusat, ubi non adsunt indicia firma dolis, seu malitia. Tertiò, si accusator, qui non consuerit calumniari, intentionem suam saltem semiplenè, probavit per unum testimoniū; aut deceptum se probet à Testibus. Quartò, si ipse defensus causa fuit accusationis; ante mortem, v.g. dicendo, sc. à Titio lethaliter vulneratum. Nam, de homine in tali statu, dolus & malitia non præsumitur. Quintò, si accusator intentionem suam probavit per Testes, qui postea deprehensi sunt illegitimi, aut se deposituros de tali crimine promisebunt, & postea se subduxerunt, aut vacillârunt. Sic Abbas in c. 2. h. t. Sexto, si ad accusandum inductus sit, vel *justo dolore*, qualiter esset in marito uxorem adulterii ream postulante. L. *Quamvis*, C. ad Leg. Jul. de adulter. vel in Parente necem filii vindicante, L. 2. C. h. t. aut *propinquitate*: censem aliqui accusatorem (elto in probatione deficiat) excusari etiam à calumnia præsumpta *ex ipsa gravitate criminis*, super quo accusavit, ut si crimen sit atrox, & enorme, puta læsa Majestatis, heres, simonia, &c. quod quidam extendunt ad omne crimen exceptum; sed hoc postremum nimis laxè dicitur, & sternit viam gravissimis innocentum infamationibus per temerè objecta crimina, præsertim apud Judices, quibus umbra sufficit ad carcerandos delatos de excepto crimen, ratis, sibi esse in similibus amplissimam arbitrandi facultatem, ut diximus supr. quod sanè iniquissimum est, sed V. quæ dicam in sequentibus.

Quæres 4. an atrocitas accusati crimi- 313  
H his

nis excusat à calumnia præsumpta? Ante resolut. not. 1. crimen exceptum hīc vocari quasi demptum de numero eorum, pro quibus aliās exstāt aliqua communis regula, vel juris dispositio; hinc ea crimina excepta dicuntur, quā nisi speciali dispositione demerentur à numero aliorum eo ipso sub eadem juris dispositione venirent, sub qua veniunt alia, ut magis constabit in subjectis exemplis. Not. 2. esse dispositionem juris Ecclesiastici, quod Reus gravium, imò, & gravissimorum criminum conscius, cùm adverterit se proditum, & ad punitionem queri à Jūdice Laico, configiens ad Ecclesiam, vel monasterium, gaudeat Ecclesiasticā immunitate; quia tamen exstāt specialis constitutio Gregorii XIV. quā incipit, *Cum aliās nonnulli, (quā est VII. inter ejus constitutiones in Bullario) per quam ē numero eorum criminum (quorum consciis prodest favor asyli Ecclesiastici) aliqui demeruntur (ut sunt homicidium proditorum, assūnūm, heres, lēsa Majestatis in personam ipsiusmet Principis, homicidium, vel mutilatio in Ecclesia, vel cemiterio, populationes agrorum, publica latrocinia, & insidiosa aggressiones viatorum)* ideo hāc, excepta dicuntur à communi lege gaudientium Ecclesiasticā immunitate. Similiter, ut constat, ex dictis suprā, est communis, & generalis regula, non licere Judici procedere ad criminalem inquisitionem specialem circa personam determinatam, nisi constet esse jam infamata super tali criminē: quia tamen extant aliās dispositiones speciales, vi quarum ab ea communi regula quidam casus & certa crimina, de quibus suprā, demeruntur: ideo dicuntur excepta; & sic de aliis.

314. Not. 3. ex hoc, quod crimen aliquod sit exceptum ab una regula, quā generaliter disponit de criminibus quoad certos effectus, v. g. ut corum Rei gaudent immunitate Ecclesiasticā, vel non possint inquire specialiter non præcedente infamia: non propterea recte, ac juridicē dici excepta indefinite etiam propter paritatem, vel identitatem, aut majoritatem rationis in hoc repertam. Ratio hujus est, quia licet Magia (in quantum scilicet præcisè explicat superstitionem, seu dæmonicam rationem, operandi quædam mira, ope dæmonum, per signa, seu causas naturales, quibus positis excitatur dæmon ad faciendum, quod Magnus petit) sit crimen par, vel etiam majus, quam quā diximus excepta à privilegio Ec-

clesiasticæ immunitatis, non propterea dicitur exceptum; & licet crimen lēsa Majestatis divine sit infinitē gravius crimen lēsa Majestatis in personam ipsius Principis humani, non tamen est exceptum, sicut istud; ut manifestum est ex cit. constit. Greg. XIV. §. 10. ibi: *quoad superius prescripta dunt axat.*

Notandum 4. non posse dici crimen 315 exceptum à communi lege, disponente de certorum criminū cognitione, punitione, ab his vel illis facienda, nisi ē ipso aliās sub hac lege communi continetur, si aliā dispositione speciali de illorum numero non demeretur. Nam qui speciali lege, vel dispositione juris aliquā casum eximit à lege generali, supponit necessariō, seclusā tali exemptione, comprehendendum à tali dispositione generali, aliā dicitur posset de numero hominum demi, qui non est homo. Ex hoc sequitur, per hoc, quod crimen lēsa Majestatis jure communi sit crimen exceptum, non recte inferri; quod crimen A, sit jure communi crimen exceptum, si tale crimen A, jure communi non numeretur inter crima lēsa Majestatis; aliā dices illud demi, & auferri de numero eorum, sub quorum numero nec veniret, esto non demeretur. Nam jure communi ē numero criminum lēsa Majestatis demi non potest, quod jure communi non est in eo numero, ut constat ex priori numero. Sed nec jure speciali alicujus provinciæ demi potest ex eo numero; nam etiam sublatā hāc exceptione provinciali, seu municipali, adhuc non veniret jure communi in numero criminum lēsa Majestatis, ut ponit casus; ergo ex eo numero jure municipali auferri, aut demi non potest, ut verum sit esse exceptum jure communi.

Sequitur 2. si extet specialis dispositio 316 municipialis, vi cuius aliquod crimen dicitur exceptum jure municipali, requiri, quod jure municipali tale crimen continetur in numero criminum, de quibus generaliter disponit jus municipale, si non exciperetur inde. Ratio est eadem quā numero præcedente. Sequitur 3. afferenti certum aliquod crimen (v. g. diffidationem, quā juxta Besoldum in Thesaur. practic. & Speidelbergum, lit. A. n. 6, definitur (quod sit denuntiatio animi hostilis, quā quis alii cuiquam significat, se cum armis, igne, spoliis & rapinis persecuturum) esse in aliqua provincia (particulari ejus jure) crimen exceptum; quia tali jure est crimen lēsa Majestatis;) incumbere probationem 1. quod eo jure numeretur

retur inter crimina lœsa Majestatis, 2. quod à eodem jure excipiatur à communi lege, à cuius dispositione illam eximit. Cū enim jure communi eo titulo non sit exceptum, ut ponit casus; ut Judex aliás non ordinarius titulo exceptionis, seu criminis excepti à jurisdictione Judicis ordinarii procedat contra munitum lege communi, aut speciali; non licebit ei titulo exceptionis ab ea lege communi, vel speciali contra illum procedere, nisi eam exceptionem doceat, ut est commune, ingerendo se in jurisdictionem Judicis ordinarii.

<sup>317</sup> Sic exemplo: *Titius*, privilegio supremi Principis gaudet jurisdictione cognoscendi, judicandi, terminandi, & puniendo omnes excessus, & causas tam civiles, quam criminales certi hominum generis, v. g. scholarium, privative ad omnes alios Judges, ab eodem summo Principe in jurisdictione sua dependentes, etiam si sint ejus locutentes Provinciarum Praesides, Vice-Domini &c. contingat casus criminis commissi ab uno de illo genere hominum sic exemptorum; quod jure communi non sit *crimen lœsa Majestatis*, neque *hoc titulo exceptum*; nec constet, esse tale jure municipaliter derogante illius Judicis jurisdictioni non est dubium, ejusmodi *judicem dependentem* excessorum suorum jurisdictionis limites, Reum carcerando, & questionibus subjiciendo; quia in præjudicium Judicis ordinarii exercet jurisdictionem, quam non habet in delinquente, ex titulo, quo procedit. Ratio est, quia contra eum procedere nequit. 1. ex titulo *Judicis ordinarii*; cum, ut ponit casus, ab eo exemptus sit, saltem ubi crimen non est exceptum à jurisdictione Judicis, cui ordinarii subest tam in civilibus, quam criminalibus. Secundò nec ex *titulo criminis excepti jure communi*, quia casus ponit non esse crimen exceptum jure communi; tertio nec *titulo criminis excepti jure municipaliter*. Nam vel est exemptum jure municipaliter condito ab ipsa tali provincia, cum consensu supremi sui Principis, vel immediate ab hoc ipso? *non primum*; quia jus illi Judici (nempe Titio) per privilegium speciale constitutum, *exceptum est à potestate illorum Judicium dependentium*; ergo illi privilegio constitutione sua, vel statuto derogare in aliquo non poterunt, nec facere, ut per privilegium posterius ei non derogaretur per supremum corum Principem, indefinite eximentem

tale genus hominum, ab omni corum jurisdictione. *Non etiam secundum*, quia cum hoc speciale privilegium eximat illud certum genus hominum quoad omnes causas tam civiles, quam criminales à jure omnium eorum Judicum dependentium à tali Principe, eo ipso eximit à jure municipaliter eis præscripto, vel constitutione, vel approbatione sua; præseriū cū hanc exemptionem concellerit ex merissimo beneficio, quod latissimam habet interpretationem etiam contra-jus, aliis suis tribunibus specialiter constitutum, quorum jurisdictioni *expressè* tale genus hominum subtrahit, ergo.

Ex hoc patet etiam ad quæstionem, <sup>318</sup> initio §. propositam; responderetur enim, *negativè*, si velit accusantem, qui deficit in probatione criminis accusati, excusari à calumnia *præsumpta*, *præcisè ex eo*, quod crimen sit *exemptum*, vel *atrox*, vel *enorme*, nisi ad hoc cogererat necessitate officii; at tunc non criminis atrocitas, sed officii necessitas excusaret; & hoc maximè procedit in accusatore *voluntario*; cū enim talis portuisset solum denunciare, purè judicando factum, aut indicia facti criminis, meritò præsumitur temere processisse ad accusandum, debitis probationibus non instructus.

Quæst. 5. quæ sunt poenæ calumniorum? <sup>319</sup> R. Etsi aliás poena calumniatoris fuerit poena *talonis*, hoc est, supplicium simile, quod merebatur accusatus, si crimen probatum fuisset. L. ult. C. de accusat. & L. ult. C. de calumniat. hodie tamen puniri solere poenā extraordinariā juxta criminis, & accusatorum qualitatem, & circumstantias. Sic Felinus in *Rubric*. hujus Tit. n. 3. & alii. Constitutum autem erat, ut quando calumniator non potest puniri similitudine supplicii, seu poenā talonis, illa commutetur in aliam ad arbitrium Judicis ex c. cū *fortius* r. h. t. Ex quo colligitur, quando non potest imponi poena ordinaria jure statuta (quia delinqiens non est illius capax) posse, ac debere illam, Judicis arbitrio in aliam commutari, ut deducitur ex casu cit. c. cū *fortius* r. h. t. Coeterum hodie ut dictum est, poena talonis extra usum est, & arbitraria successit. Textus in c. cū *fortius*, sic habet: *Cum fortius punienda sint crimina, qua insontibus (maximè sacris hominibus) inferuntur, quam sitis culpabiles, qui in caula Joan. Diacon. resedistis;*

H. 2 atten-

attendite, ut Hilarium, criminatorem ipsius, nulla ex definitione vestra poena conveniens castigaret. Quia ergo *tanta nequitia malum sine digna non debet ultione transire*: jubemus eundem H. prius subdiaconatus (quo indignus fungiter) privari officio, & verberibus publicè castigatum in exilium deportari.

Huic consonat Innocentius III. in c. *Cum dilectus*. 2. cod. ubi: (ut exponit rubrica) dicitur, quod denuntians *in probatio-  
ne criminum deficiens*, ab officio, & beneficio suspendatur, donec innocentiam suam purget, & constat ex textu, ibi: vobis mandamus, quatenus memoratum magistrum scholarum: *donec canonice suam purgaverit innocentiam* (scilicet, quod non calumnian- di animo ad hujusmodi crimina proponen- da processit) *ab officio, & beneficio suspenda-  
tus, ut ceteri, simili pœna perterriti, ad infamiam suorum facile non profiliant Prelatorum.*

**320** Dubitatio tamen est 1. an etiam *falsi  
criminis denuntiator* subjaceat pœnis calumniatorum? *R.* si denuntiatores *publici* (qui scilicet autoritate publicâ ad id con- stituti sunt) *verè* calumniantur, seu scien- ter, innocentes, falso denuntient, & indebet, seu fraudulenter alteri negotium facescant, puniri æquè, ac verè calumniosos accusato- res; secùs ex calumnia tantum *præsumpta*. sic Jul. Clar. §. fin. 97. n. 12. privatos autem (qui suâ sponte denuntiant crimen) puniri non tantum ex calumnia *vera*, sed etiam *præsumpta*, quantum est de jure. L. *Eum Pa-  
tronum* 10. de Jure Patron. & c. *Cum dilectus* fin. h. t. ibi: *Vobis mandamus* quatenus me- moratum Magistrum scholarum, donec canonice suam purgaverit innocentiam, scilicet, quod non calumniandi animo pro- cesserit ad hujusmodi crimina proponenda, *ab officio & beneficio suspendatis*; licet Pir- hing hic à n. 6. censeat, ex consuetudine pu- niri solum ex calumnia vera, esto probare debeant, se non denuntiâsse animo calu- mniandi, adeoque super tali calumnia se canonice purgare. Sic cit. Author h. t. n. 7. not. 3.

**321** Dubitatio est 2. an calumniator Reo condemnetur in expensis litis? *R.* quod sic, L. 79. ff. de Judic. L. 13. §. 6. C. cod. L. 3. C. de his, qui accusare poss. Nam sic in expensis litis Reus injustè damnificatus est, & ideo *temerè litigare convictus, meritò cogi-  
tur eas refundere*, per L. *Proponendum* §. fin. autem. C. de Judic. & c. 4. de pœnis, ubi di-

citur, quod in causis pecuniariis *victus victori in expensis condemnetur*. Et in utroque jure regula est, victum esse victori condemnandum in expensis. c. *Calumniam*. 4. de pœ- nis, & cit. L. *properandum*. Hac regula procedit 1. etiam in litigantibus *sine dolo*, sed *temerè*, hoc est inconsulto, nec adhibito consilio. L. *Eum quem*. 79. ff. de Judic. Pro- cedit 2. licet *victus* ab initio litis, juramen- tum calumniae *præstiterit*; quia licet hoc juramentum excusat à *calumnia*, non excusat tamen à *temeritate*. Abbas hic n. 4. Covarr. pract. quæst. c. 27. V. *secundo*. Procedit 3. ut etiam locum habeat in cau- sis criminalibus iuxta Covarr. cit. n. 2. sed, cùm c. *Calumniam* loquatur solum de causis *pecuniariis*, Fachinæus l. 1. controv. 42. censet oppositum. Textus enim in c. *Ca-  
lumniam* sic habet: *Calumniam & audaci-  
am temerè litigantium condemnando in  
expensis, & alio multiplici remedio Sanctio  
Imperialis compescit*. Quoniam igitur fac- cris institutis consonare dignoscitur: præci- pimus, ut *de cetero in causis pecuniariis victus, victori in expensis condemnetur*: nisi senten- tia pro absente feratur.

Not. tamen, per hanc limitationem **322** Fachinæ desumptam ex c. *Calumniam*, non restringi alias leges, & canones, quibus ve- rius calumniator, etiam in *criminalibus*, vi- citori condemnatur in expensis. Nam hoc poscit naturalis æquitas, quæ jubet ab eo re- sarciri damnum, qui ejus injusta causa fuit. Et ideo etiam Carolus V. Imperator in con- stit. crim. a. 12. jubet, ab accusatore præ- stari cautionem idoneam de solvendis à se, crimine non probato, *expensis, & damnis  
accusato secutis, cum injuria satisfactione*.

Dubitatio est 3. an calumniator in- **323** currat *infamiam*? Affirmativa colligitur ex L. 1. & 4. §. 5. ff. de his, qui non infamiam; & 8. c. de calumniat. quod intellige de *infamia*, non ipso jure, sed per sententiam, ut haberut in §. 5. cit. L. 4. Censetur au- tem Judex per sententiam illum *infamia* norasse, si declareret *calumniatum esse*; non autem si præcisè dicat: *non probasti*; nec si dicat: *videri calumniatum esse*; ut colligi- tur ex L. 1. §. *Quorum*, ff. ad S. C. Turpili.

Dubitatio est 4. an non solum, qui fal- **324** sò accusat & denuntiat, calumniator sit, & pœnis calumniatorum subjiciatur; sed etiam is, qui in fraudem alicujus librum, vel testimonium, vel aliud quidpiam falsum conquivit, scriptit, vel in judicium protu- lit?

lit? Responsio est affirmativa, ut expresse dicitur L. ab accusatione. 6. §. 4. ibi: *calumnia causâ puniuntur. &c. ff. ad S. C. Turpilian.*

## ARTICULUS II.

De Prævaricatoribus.

**325** *P*revaricari, est crimina abscondere, ut dicitur cit. L. 1. §. 1. ff. ad S. C. Turp. ubi gloss. lit. M. *prævaricari*, est *dissimulare crima*, quæ alias *proposita ad suam causam maximè facerent*; & *adversam partem adjuvare proditâ suâ causâ*; prodit autem, dum colludit cum Reo, idque efficit, ne condemnetur; & colligitur ex L. *Prævaricatores. 22. ff. de verb. signif. ibi: Prævaricatores eos appellamus, qui causam adversariis suis donant; & ex parte actoris in partem Rei concedunt; quod fit*, ut dicitur cit. L. 1. §. 6. ff. ad S. C. Turp. colludendo *cum Reo, translatiæ de fungendo munere accusandi, nimirum proprias probationes dissimulando, & falsas Rei excusationes admittendo.*

**326** Circa præsentem materiam not. 1. *Prævaricatorem*, prout hoc titulo de illo agitur, proprie esse, qui *publico judicio* (ubi scilicet agitur de crimen publico) *dolosè ac simulare accusavit*, nimirum dissimulando, quibus crimen efficaciter probaret; & admittendo falsa effugia. Talis prævaricatio est corruptela publici judicii; nam ex hoc sit, Reum criminis, publico prævaricationis judicio, absolvì à crimen, ut rectè notat Haunold. tom. 6. de Jure, & Just. tr. 2. n. 533.

**327** Poena verò prævaricationis olim erat eadem, quam alias Reus per prævaricationem absolutus, si convictus fuisset de crimen, subivisset, ut dicitur L. 6. ff. de Prævaricatoribus; hodie est extraordinaria, L. 3. ff. ad S. C. Turp. & notat Corvinus ad hunc tit. apud Haunold. cit. qui tamen observat in Carolin. Ord. Crim. a. 115. constitutum esse de prævaricatoribus: ut, si procurator ex proposito, dolo malo, in prejdicium partis sua, & in favorem partis adver-

sa gerit, & de hoc convictus fuerit, parti sue imprimis, pro damno causato, omni possibl modo satisfaciat; deinde ad numellas positus, virgis caesus, relegetur, vel alio modo, pro qualitate commissi delicti, puniatur.

## ARTICULUS III.

De Tergiversatoribus.

**T**ergiversari in universum est ab accusatione desistere, ut dicitur L. 1. cit. §. 1. ff. ad S. C. Turp. censetur autem desistere non tantum, qui omittit accusationem, vel denuntiationem criminis sine licentia Judicis, ut dicitur cit. L. 1. §. 7. Si quis autem: sed etiam qui cum adversario suo, de compositione ejus criminis, quod intendebat, fuerit locutus; vel intra praefinitum à Præside tempus Reum suum non peregit, ut habetur L. 6. ff. eod. vel denique, qui in totum animum agendi depositus; non autem, qui solum distulit, ut habetur L. 3. cod.

Not. autem, quæ dicta sunt de *tergiversatione*, etiam intelligi de *frustratione*; nimirum, esse accipienda de desistente, hoc est omittente accusationem, vel cæptam sine abolitione, interventu Judicis, non prosequente, cum deberet necessitate officii, legis, vel contractus, aut quasi contractus, qui intervenit ex contestatione litis. Cum enim calumnia, etiam tergiversando commissa, subiecta sit poena, ut colligitur ex L. 3. 12. & 13. ff. eod. necesse est omissionem accusationis, vel non factæ, vel cæptæ, sed non prosecutæ, debere culpabilem esse. Nam qui Reum *exemptum* non desert, non videtur desistere, L. 12. ff. eod. nimirum culpabiliter. Dixi, etiam intelligi de *frustratione*. Nam *frustrari* apud Cujacium ad L. 4. C. de convenient. Fisci debitoribus, est *tergiversari*, seu *moran trahere*. Et mora ipsa (nempe illa debitoris dilatio, quam causat latitando, animo, ut fraudentur creditores) *frustratio* dicitur, de quo V. Pereyra in Elucid. 1194. & 1247.